

AG

Broj:01-14-3232-4/19
Sarajevo, 28.11.2019.godine

03-12-2019

Na osnovu člana 70. Zakona o javnim nabavkama BiH („Službeni glasnik BiH“ broj:39/14) i člana 20. Pravilnika o unutrašnjoj organizaciji Federalnog ministarstva za pitanja boraca i invalida odbrambeno-oslobodilačkog rata broj: 05-34-1272/19 od 29.08.2019. godine, a na prijedlog Komisije za javne nabavke za 2019. godinu imenovane rješenjem broj: broj: 01-34-703/19 od 25.02.2019. godine, federalni ministar za pitanja boraca i invalida odbrambeno-oslobodilačkog rata, d o n o s i:

ODLUKU
o izboru najpovoljnijeg ponuđača
za javnu nabavku - konkurentski zahtjev za nabavku računara, servera, laptopa,
štampača, kopir-fax aparata

I

Na osnovu provedenog postupka javne nabavke - konkurentski zahtjev za nabavku računara, servera, laptopa, štampača, kopir-fax aparata broj:01-14-3232/19 od 09.10.2019.godine, obavještenja o nabavci broj:746-7-1-42-3-14/19 koje je objavljeno na Portalu javnih nabavki dana 10.10.2019.godine i Ispravke obavještenja o nabavci broj:746-7-1-42-8-18/19 od 20.11.2019.godine, kao najpovoljnija i ocjenjena najprihvatljivijom ponudom je ponuda ponuđača *Exclusive d.o.o.* Zenica čija ukupna cijena ponude utvrđena nakon računске kontrole iznosi 45.391,06 KM bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora – najniža cijena.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

IV

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke - konkurentski zahtjev za dostavu ponuda za nabavku računara, servera, laptopa, štampača, kopir-fax aparata pokrenut je Odlukom o pokretanju postupka javne nabavke, broj: 01-14-3231/19 od 09.10.2019. godine. Ukupna procijenjena vrijednost nabavke iznosila je 45.299,00 KM bez PDV-a. Obavijest o nabavci poslana je na tri adrese 10.10.2019. godine, a istog dana objavljeno je i obavještenje o nabavci na portalu Javnih nabavki pod brojem: 746-7-1-42-3-14/19. Tendersku dokumentaciju preuzelo je 28 (dvadesetosam) ponuđača, a 1 (jedan) ponuđač dostavio je ponudu u predmetnom postupku javne nabavke.

U skladu sa provedenim predmetnim postupkom javne nabavke, ponudu je dostavio slijedeći ponuđač: Exclusive d.o.o. Zenica. Komisija za javne nabavke, imenovana Rješenjem, broj: 01-34-703/19 od 25.02.2019. godine, izvršila je pregled i ocjenu ponude ponuđača Exclusive d.o.o. Zenica, te konstatovala da je ista prihvatljiva za ugovorni organ, odnosno da dostavljena ponuda ispunjava formalno pravne, ekonomske i tehničke uslove, odnosno zahtjeve ugovornog organa.

Polazeći od gore navedenih konstatacija, i činjenice da prihvatljiva ponuda u tehničkom i ekonomskom smislu ispunjava zahtjeve ugovornog organa, Komisija je pristupila računskoj kontroli iskazanih cijena u tehničkoj specifikaciji, te vrednovanju prihvatljivih ponuda shodno utvrđenom kriteriju: „najniža cijena tehnički zadovoljavajuće ponude“, nakon čega je sačinila i dostavila resornom ministru Zapisnik o pregledu i ocjeni ponuda broj: 01-14-3232-3/19 od 28.11.2019.godine godine sa preporukom o izboru najpovoljnijeg ponuđača EXCLUSIVE D.O.O. ZENICA, sa registrovanim sjedištem u ulici Armije BiH 6, 72 000 Zenica, ID: 4218000400009, za predmetnu nabavku.

Obzirom da je tenderskom dokumentacijom i obavještenjem o nabavci broj:746-7-1-42-3-14/19 od 10.10.2019.godine bila predviđena e-aukcija, a uzimajući u obzir činjenicu da je pristigla samo jedna ponuda i to ponuda ponuđača EXCLUSIVE D.O.O. Zenica, u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“, broj:66/16) e aukcija se nije mogla ni zakazati.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku.

Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.



Dostavljeno:

1. Ponuđačima 1x
2. U spise
3. Arhiva